

福建續志五

五圈 十五人

四圈 四十二人

四圈有点者 四人

三圈 十七人

共選七十八人

福建續志卷六十六

列女八

漳州府

國朝

名媛

黃二姐孝廉蔡一橙妻性不喜明妝炫服閨門之中儼如朝典敬事尊章得婦如得子焉懋和妯娌得伴如得兄焉容納媵侍得主如得師焉見黃石齋

贈文

漳浦

按黃朝氏前明人而今從之

本朝故漳浦志載

福建續志

卷六十六 列女八

一

節孝

韓氏劉淳質繼妻也夫死家貧外氏謀改適氏以撫孤存嗣自矢值海氛流離遷徙卒完其節

林氏貢生黃明珍妻年二十八而寡事舅姑惟謹卒

年六十四

陳氏許士埰妻少寡依姑以居壬辰之亂居圍城中忍饑哺其姑復奉姑避寇猝與寇遇以身翼姑爲寇所刃傷脊幸不死以節孝終

李四娘丁建鑰妻年二十而寡舅疾刲股以進遂痊

順治間 旌

黃氏諸生蔡大經妻年二十二寡撫遺孤震孫茹苦
五十一載

林騰娘諸生璧吉女許字方學學病亟迎氏歸侍湯
藥四旬而學卒氏號哭剪髮以誓卒全其節

趙官娘適楊繩祖年二十二夫卒自經兩次皆不死
遂立志撫孤備極酸楚

李團娘適王夏天年二十七而寡紡績奉舅姑嘗昌
死翼姑烈焰中人稱其孝

柯嫩娘父與沈滋樑父夙好也指腹定婚未幾相繼
歿壻貧無以自立叔謀改字氏堅持不可瀕於死

福建續志

卷六十六

列女八

二

者屢矣卒得歸沈偕老

侯灼娘幼許聘韋鍾崑病狂治弗痊灼娘泣請以身
侍疾遂歸於韋夫狂益甚氏事之無悔鍾崑卒苦
節五十七年

陳果娘夫張樗客死初氏夫在時竭誠事繼姑姑弗
善也使異居至是憫其饑寒勸之改適氏婉辭以
謝久之感其孝亟稱之

鄭氏楊庇妻庇貧無以自存鄭招爲贅甥次日氏卽
迎姑以居庇病篤氏誓奉姑不再適姑病時其輾
側袒裨皆躬自澣濯不以諉人里黨稱之

劉燦娘適吳德熙卒勤十指養姑自以糠粃薯葉充
饑次子登陞復歿與婦楊氏矢貞育孤

張氏方應時妻應時卒於淞孤生未週月含哀茹苦
篝燈紉針以自給復遭祖姑及舅姑喪家益貧常
併日而食親串爲釀金歸其夫櫬

鄭載娘番女也父娶於番生載娘適余詔詔卒母憐
其少微諷之持不可家中聞其夢中嚙語皆引義
拒母辭也姑患腸結幾殆氏以計出之病遂痊妯
郭氏年二十九而寡亦以節聞

許氏嫁楊勳爲農家婦勳早卒氏截耳斷髮以自誓

福建續志

卷六十六

列女八

三

晝則操作夜則紡績嘗割股和糜以愈姑疾年逾
七十而終

陳儀娘翁成妻成疾篤來求婚家人欲不許諷儀娘
儀娘曰彼疾不歸侍欲俟其死改適耶乃歸於翁
甫七月而成卒投繯縋絕不死遂苦節終其身

楊氏鄭建中妻建中歿遺孕生女屢欲自裁以姑在
不忍也夫兄潤中爲立孤矢志苦守三十九年

陳蔭娘適韓學洙學洙病篤以父母爲託氏涕泣自
誓無二心卒後私家果有欲奪其志者氏曰夫在
時已許其奉親矣死且不恤何有於貧年逾八十

卒

黃氏徐汝翼妻年二十六而寡家貧屢不舉火清操益峻

曾初娘謝廷選妻年二十八而寡事姑至孝姑時語人曰得婦如斯是無子而有子也守節四十三年王氏魏統妻事姑至孝夫卒子呈鑄甫三歲叔有異志氏乃徙依外家賃草舍以居課兒學稍懈輒自刺其掌兒爲驚奮比呈鑄補諸生氏乃歸故居營夫葬而終老所坐紡績處終歲不離寸許

李耀娘謝廷相妻廷相死苦節五十一年足不踰閩

福建續志

卷六十六

列女八

四

林正娘適諸生鄭鴻略年二十五鴻略卒撫孤繩周孤復歿與婦許氏相依爲命者五十餘年

林氏曾曰仁妻年二十二而寡家貧併日而食而奉老姑甘旨無缺姑歿孤夭與媳陶氏茹荼集蓼四十年

李七娘謝嘉睿妻年二十三夫死始產遺孤值海氛弗靖流離瑣尾卒能自全孀守五十餘年卒

邱信娘適韓純智時海寇跳梁挈家避亂於浮山寨未幾翁姑及夫俱逝氏奉三柩歸葬躬負土爲塋苦節五十七年

楊氏事父母以孝聞年十七歸蔡拔生二十而寡時
軍伍頻興所居雲洞爲要衝氏於流離患難中安
唐四極人尤難之

蔡氏王富妻富卒氏傭於族婦族婦遺之飯必箸而
歸以奉姑姑卒稱貸爲喪葬費復傭以償

周起娘適諸生陳之曦夫卒家貧紡績育孤以延夫
嗣苦守四十年

許氏蔡常旦妻年二十七而寡姑疾刲股以進終養
二十二年壽八十一卒

蔡和娘浙江人龍溪王國助娶焉次年舅及夫販寧

福建續志

卷六十六

列女八

五

波相繼卒含辛育孤孤稍長挾之往浙負骸歸葬
馬氏王標妻年二十一而寡避寇果堂寨寨破舅被
擄將及氏若有神持鏡擲賊賊驚逸去舅爲賊拷
掠斥奩具贖歸守節五十五年

陳轉娘莊邦昌妻嫁甫六閱月而寡爲夫繼嗣復以
哭姑喪明年六十七卒

黃氏鄭重簡妻年十七歸值舅姑俱病輾轉牀蓐間
氏時其湯藥勤其浣濯無所畏苦夫溺死氏沿溪
號哭獲尸抱與俱沉以救免孀守三十六年

陳隨娘林宣妻宣死有諷之者氏厲聲曰狗彘之行

所不能爲姑疾十餘年未嘗離左右一日以事將
寧家與姑期以晡時返甫出門聞姑泣聲急趨入
抱姑哭曰婦不歸矣姑歿喪葬無違禮

許氏湯卿軒妻卿軒病瘵氏持匕割股以進夫疾果
漸瘥越數月遂卒爲立嗣育之苦節四十餘年

洪淡娘年十八歸諸生魏彬越六載而夫歿扶姑避
亂賃舂作苦以奉甘脆雍正間 旌

鄭氏徐秉興妻年十九于歸甫四月而夫死撫二嗣
子不茹葷不衣帛終其身雍正間 旌

王耍娘諸生何朝端妻朝端卒苦節三十一年雍正

福建續志

卷六十六

列女八

六

間 旌

藍彰娘甘亨嘉妻亨嘉卒氏年二十三含蘖育孤誓
不改節雍正間 旌

陳氏蘇鳴凰妻鳴凰夭氏年始二十艱辛自守以完
節終乾隆間 旌

黃學媛陳元壽妻夫歿三十年未嘗見齒乾隆間
旌

戴氏黃六謙妻六謙卒氏忍死育孤孀守數十載

乾隆間 旌

陳怨娘游梓妻年二十夫卒值海氛弗靖氏逃難山

中樵薪採薇以奉姑守節六十六載乾隆間 旌
方氏鄭鍾峩妻年二十三鍾峩卒辛勤育子乾隆間
旌

曾聘娘謝昌祚妻夫歿孤幼門無期服之親治姑喪
能如禮乾隆間 旌

涂褒娘蔡元然妻元然遊學死粵東氏奉老姑盡孝
家極貧而祭先必豐潔乾隆間 旌

陳氏蘇帥品妻夫卒育子陣家貧教之業縫紉度生
苦節數十載乾隆間 旌 見海澄縣志

陳秀娘適覃竹友夫卒矢志守貞乾隆間 旌

福建續志 卷六十六 列女八 七

陳氏李天堦妻年二十四天堦卒事姑育子白首完
貞乾隆間 旌

蘇待娘趙與湯妻與湯遊於外治姑喪無遺禮家貧
以莧根充腹然紡績所入輒以分親串之尤貧者
子登瀛歲貢生乾隆間 旌

楊氏黃大德妻結褵後相夫以禮夫死年甫二十務
勤紡績以養舅姑併濟貧乏督其孤燦力學爲郡
諸生有文名乾隆間 旌

王氏趙孟坡妻夫卒課子荆丹不以孤故少寬後爲
諸生氏之教也乾隆間 旌

林氏諸生顏家駒妻家駒卒氏年二十四事舅姑一式於禮乾隆間 旌

顏氏適陳御標夫卒孀守數十載不渝其節乾隆間 旌

陳夏娘蔡進璞妻夫卒姑支牀六載奉湯藥必親 乾隆間 旌

高轉娘謝汝諧妻汝諧卒於外氏捐奩具奉櫬歸事 祖姑及姑孝乾隆間 旌

廖廷娘蔡德一妻守節六十一年乾隆間 旌

林氏黃綸彬妻夫卒氏矢志育孤以節終乾隆間

福建續志

卷六十六

列女八

八

旌

黃氏陳天祿妻天祿卒氏奉祖姑及舅姑無遺禮

乾隆間 旌

陳譽娘侯天珍妻夫歿姑哭子幾喪明日爲舐之久 乃痊復苦守四十餘年乾隆間 旌

許氏郭植妻植死辛苦撫孤卒底於成子承業元輔 補諸生承綸舉人乾隆十七年 旌二十六年封

孺人

宋漸娘張鉉含妻嫁三載而寡爲夫立嗣苦節二十 三載乾隆間 旌

蕭納娘邱倚炳妻孀守四十三載始終一節乾隆間旌

陳約娘柯日焜妻夫卒育子慈不弛嚴子天圻補郡諸生乾隆間旌

李靜娘鄭燦慧妻夫卒守節六十九年乾隆間旌

陳明娘林兆咸妻夫死艱辛自守數十年如一日

乾隆間旌

林密娘徐賡儉妻夫卒孀居六十四載乾隆間旌

王氏林純直妻夫卒恒紡績以供甘旨乾隆間旌

陳鳳娘錢光錄妻家貧奉姑生養死葬皆式於經守

福建續志

卷六十六

列女八

九

節五十一載乾隆間旌

陳錦娘張思語妻年十九歸思語甫三載而夫歿撫

週歲孤備歷艱辛婦陳氏孫婦吳氏皆少寡人哀

之氏於乾隆間旌

郭權娘諸生方啓化妻奉姑以孝聞啓化卒孀居六

十餘載乾隆間旌

莊璣娘諸生唐璧妻夫卒事姑以孝聞能藏夫所遺

書使不蝨蝕孤象言長乃授之後補弟子員乾隆

間旌

蔡冕娘監生許紹崇妻嫁越二載而寡忍死育孤撫

夫弟子如子乾隆間 旌

劉環娘黃遇和妻年二十一而寡育二孤及長爲娶
婦未幾二孤相繼歿偕媳鄒氏陳氏一門三節
乾隆間 旌

覃敦娘顏士欣妻年二十六孀守捐私業以擴祖祠
族黨稱之乾隆間 旌

金忍娘莊仲通妻仲通卒家貧紡績度日營姑窀穸
乾隆間 旌

鄭榮娘年十八適黃世甲甫一載而夫歿遺孕五月
生男乃矢守孤乾隆間 旌

福建續志

卷六十六

列女八

十

蔡氏許紹崇妻二十四歲夫歿守節二十三年乾隆
間 旌

黃欽娘年十九嫁陳惟灼甫期歲而維灼歿遺孕九
月氏含酸育孤竝撫夫弟之子視如子乾隆間
旌

陳瑱娘韓宗文妻年二十六夫亡遺二孤亦夭氏乃
撫繼孤成立苦節五十六載卒乾隆間 旌

林氏王公誠妻二十歲夫歿事姑惟謹遺腹僅一子
鞠育顧復以至成人守節六十一年乾隆間 旌

許氏楊振恩妻孀居撫孤守節三十一載卒乾隆間

旌

王氏鄭懋銓妻二十七歲而寡守節五十五年乾隆
間旌

陳姜娘幼許配王合合習優父有悔婚意姜娘不從
值合父病欲貸昔所聘金父貸之遂乘機許字他
姓合聞之官邑令熊琴得其情義姜娘卽公堂具
禮而歸之後合不改性姜娘悲憤死

陳氏適廩生趙崧習女史嫻婦儀年二十八夫亡姑
亦繼卒足不踰閩者五十餘年

李氏適柯貌光甫二十三日而寡先後立四嗣孤俱

福建續志

卷六十六

列女八

十一

歿母老無依迎養終其身

何益娘許陣妻陣卒年二十四貧無以自存茹蘖飲
冰奉姑育子苦節三十八年

劉寬娘嫁郭起鳳郭庶出也舅老惑於君姑虐使其
庶及寬娘委婉將順逾年生一子而起鳳死氏憂
瘁成疾死

陳氏年二十歸黃廷燦二十五而寡事姑以孝訓孤
以義方嫠居四十八年乾隆間旌

葉氏許字黃鬧未婚而鬧卒氏年十六聞訃絕粒七
日不死夫家迎歸守節三十年足不踰閩

張氏劉夢柏未婚妻夢柏歿氏聞訃入井不死欲奔喪舅以家貧屢阻不得迎歸歸執婦道惟謹久之卒不得舅姑歡使異爨焉氏忍饑茹苦女紅自給以哺嗣子守節數十年

陳實娘許字王且且夭氏年十五母欲奪而嫁之以死自誓乃歸於王忍饑奉姑以孝聞

林佳娘許字蘇孕積孕積客死氏欲奔喪母止之氏曰兒父已受其盟生死同之遂行爲夫立後食貧以終

蔡氏林閣未婚妻閣死海外氏年二十四誓不改志

福建續志

卷六十六 列女八

十二

嫠居以節終

陳學娘許字姚雙吉雙吉客死氏歸姚爲夫立後守節以終

郭喜娘許字魏陶待字三十七年而陶羈旅不歸舅姑憐之迎歸又十年而陶竟死於外喜娘守貞以卒

郭學娘受徐文箝聘箝卒於粵氏奔喪守節家貧無肯爲承祧者悲憤而死

林氏農家女許字蘇合合久客絕音問父憐女愆期厚資遣歸於蘇而合卒客死氏出奩具資叔治生

久之貲竭叔凌之弗敢怨也垂老目盲幾無以給云

陳灑娘未婚而夫丁珣死奔喪欲守志舅姑弗允氏引刀自裁姑急抱其頸從所請乃爲夫立後未幾子夭苦節以終

郭氏陳元智未婚妻年十八而元智歿奔喪守貞姑郭亦嫠婦也兩世烝獨相依人稱雙節

陳秋來楊秦妻陳氏媵婢也陳生子數歲秦死陳亦死族人欲挾孤而併其產者斥賣秋來秋來死不去極困頓之志益堅曰我於主人無一席恩所

福建續志

卷六十六

列女八

十三

以爲此者爲孤計也挾孤者知不可奪卒還孤產及孤授室生子後又歿秋來復撫其三歲兒

卓氏吳志遴妻潘氏婢潘生一子而亡臨終以幼孤爲託未幾志遴亦客死卓撫孤家貧黽勉底於成人終身不偶時有林士元婢吳月姊亦撫孤不嫁

事與卓同人咸義之

以上龍溪

林氏蔡衍鑄妻歸蔡未數年而夫歿家貧撫孤守節三十餘年乾隆間旌

江氏唐廷藝妻年二十二而寡矢志守貞事姑弗懈教子有成守節四十四年乾隆間旌

林氏盧鴻答未婚妻將結褵而鴻答歿易服奔喪孝
事翁姑冰霜矢節三十餘年乾隆間 旌
漳以上
郭氏劉廷妻廷外出物故氏年二十七遺腹六月及
生男矢志靡他事舅姑生養死藏皆冰蘖所拮据
也歷節六十餘年九十三而卒

王氏儒士歐一鳳妻年二十四夫歿營葬無資盡鬻
簪珥以襄事孤方週歲惟勤紡績爲鞠育苦節六
十餘年

黃氏劉廷伯妻年二十七寡苦節五十餘年年八十
有八卒孫澄海曾孫拔皆遊庠

福建續志

卷六十六

列女八

十四

陳氏國學生林士俊妻年二十三孀守撫孤成立卒
年八十有四

何氏李孫銓妻年二十適李生二子方在襁褓夫歿
氏矢志事翁姑以孝聞撫二孤成立苦節五十年
張鳳頭陳國艾妻年十八于歸及寡孤圭鯤甫六歲
圭鯨方四歲老姑在堂氏守貞事姑終始盡禮撫
孤成立年七十五而卒

陳勸娘年十八歸黃逢元二十四而寡遺腹生男矢
志孀守當海氛播遷氏扶老翁負孤隨里人入山
邱氏林德懋妻年十七于歸二十孀守奉姑菽水承

歡撫孤課督成立孤應瑞候選州同知請旌建坊孫劍光上苑後先成進士人以爲節孝之報云林氏黃綸彬妻金門守備林翰女年二十一歸綸彬十三月而寡時有遺腹雙白在堂欲爲黃氏延一綫乃吞聲飲泣及孤生奉養撫育出自十指舅姑歿喪葬盡禮教子嚴而有方孀苦三十七年雍正間旌

陳氏洪紹堂妻年二十孀守苦節五十年撫孤子憲遊庠雍正間旌

李氏郭纘緒妻年十五歸郭氏二十一寡姑葉氏年

福建續志

卷六十六

列女八

十五

七十二亦孀守氏茹荼集蓼強慰姑心極苦節所難堪者皆備嘗之請旌建坊氏享年九十孫曾繞膝四代一堂人謂食報不爽

戴氏年二十一歸黃謙六二十四寡遺孤三歲矢志撫育孤復天氏慟哭自經者三族人掄甦且爲立嗣乾隆間旌祀節孝祠

陳氏郭東煙妻也二十一而寡守貞事姑姑老病遭大風雨屋將傾氏負姑出險棟折傷股姑歿喪葬盡禮課子義訓有方乾隆間旌

陳元盜妻邱氏幼穎慧父課以內則諸書通曉大義

年十七于歸甫二載夫歿遺腹八月及生男奉姑
撫孤姑歿哀毀嘔血不休乾隆間旌

甘氏許良植妻二十而寡庶姑在堂遺孤在抱氏加
意孝謹苦節五十餘載乾隆間旌

甘氏貢生許彥詔妻宮保壯毅公之冢婦也彥詔歿
氏年二十七苦節孀守事舅姑曲意承順爲諸妯
娒法乾隆間旌

黃氏貢生郭臯妻海澄公芳泰女也幼習女誡嫻文
墨年二十于歸二十六寡苦志撫孤孀守四十餘
載乾隆間旌

福建續志

卷六十六

列女八

十六

許氏庠生周松妻年二十歸周末三載夫歿遺孤方
十月舅姑在堂氏孝慈兼盡苦節四十餘年乾隆
間旌

甘氏陳錫類妻年二十六孀守事舅及繼姑以孝姑
病紡績以供醫藥撫孤子淵親師就學淵遊於庠
苦節三十五載乾隆間旌

許氏黃錫瑞妻年二十三寡事繼姑婉婉承順課子
以義方苦節四十餘年乾隆間旌子澄泮貢生
澄淇國學生萬年己卯舉於鄉

許氏洪其盛妻年二十八夫歿柏舟自矢守節三十

二年乾隆間 旌

陳氏年十八歸貢生林耀澄二十六寡奉舅撫孤孀
苦三十一年終始如一乾隆間 旌

李氏林純仁妻年十七適純仁越年純仁與父外出
同時報訃氏不欲生或諭以事姑撫幼爲重始就
啜姑失明十一載常以舌舐姑目冀復明孀苦三
十餘年卒乾隆間 旌

吳氏葉以寬妻年十八于歸越四年夫故氏呼搶迫
切奉姑撫孤孝慈備至苦節五十二載乾隆間
旌

福建續志

卷六十六

列女八

十七

黃氏吳亨周妻二十而寡舅姑在堂奉侍孝謹姑病
瘋湯藥不離側及疾篤焚香禱天願減齡以延之
後姑愈人謂孝感所致孀苦三十三載

黃氏吳享用妻年二十夫歿守節三十三年乾隆間
旌

林氏陳士傑妻二十六歲而寡事祖姑盡孝孀守五
十二年

董氏江鳳山妻歸鳳山一年而寡年甫十九遺腹六
月八十老翁在堂氏孝養無方年五十五卒孫晏
乾隆辛酉舉人

胡氏楊應隆妻年二十八寡舅在堂孤旭日尙幼氏
勤女紅撫孤事舅備極慈孝

陳氏黃瑞妻年二十夫卒孤子三歲矢志撫育及孤
長娶婦亦陳氏生一子貿易遠出陳氏姑婦堅貞
自守爨火不舉後染時疾姑婦與孫相繼亡子流
落不復返矣

林氏盧崇福妻事姑孝謹年二十四夫亡遺孤一男
一女孀守五十餘載男娶孝廉楊菁開孫女女適
庠生陳元渚次子不數年男亡婦楊氏二十五而
寡女適陳氏二十四而寡婦姑母女竝以冰霜繼

福建續志

卷六十六

列女八

十八

節

江怨娘甘添生妻未婚夫病瘵入門奉事湯藥年二
十夫死卽不事膏沐母欲奪其志不可家無擔石
孀守四十餘年嘗遇翁病刲股和藥以進病尋愈
人稱其孝節年六十八卒

葉氏蘇虞卿妻賦性溫淑閨教夙嫻年十八于歸三
載遂孀守老翁在堂晨昏孝養撫幼孤荼苦備嘗
歷節七十餘年現年九十有七子松菽水承歡亦
年七十六矣

吳氏黃燾妻年十六于歸相夫事舅姑克盡婦道不

幸夫歿家無粒積遺孤尙幼氏勤女紅以資饗殮
撫孤成立苦節六十餘年

陳氏李力菑妻子歸三載夫亡孤子未週歲撫之成
立苦節六十餘年

陳氏袁唐民妻年二十九守節撫孤成立苦節五十
餘年

韓朝韓妙同產兄弟也朝娶吳氏妙娶高氏後生一
男曰祿未幾朝卒吳年二十二母勸改適吳佯諾
及卒哭母迫焉吳方持鉢泔米碎而誓之且執鉢
片毀面昏仆母驚駭去妙跪而請曰願以長繼長

福建續志

卷六十六

列女八

十九

吳氏乃蘇不幸妙亦早世高氏年二十四兩婦孀
守一孤日夜紡績以資薪水及孤長娶媳馬氏又
不幸天馬氏亦以節自矢一門三節衆皆傷之

高氏江啓妻十七于歸甫三月而啓逝遺腹生男及
娶媳甫生子又天氏茹荼三十餘年

邱氏許字侯捷未婚捷死氏聞訃矢志殉節卽奔喪
朝夕哭奠如禮徹靈後命結棚以待素粧登臺自
經邑侯韓鍾親臨祭奠三日始殮時方六月顏色
如生

陳氏許配盧尊尊洋販寄書侍養待年氏卽于歸事

翁姑曲盡婦道逾年尊歸道卒氏甘心守貞姑爲立嗣教督成立既婚娶生孫嗣子復天氏卒年八十餘人盡哀之

司馬氏罕娘許字林長素未婚而長素歿於外洋氏聞訃欲自經家人嚴護之不得死乃懇父母欲奔喪林家貧乏不能自存氏服三年喪孝事舅姑菽水之歡皆出針黹族人爲之立嗣苦志三十三載以閨女節終宗黨爲之治喪

以上海澄

林氏許奇生妻二十一歲夫歿欲捐軀以殉姑力勸乃止茹齋衣布終身足不踰戶姑老病日奉湯藥

福建續志

卷六十六

列女八

二十

衣不解帶訓諸孤皆有成立守節三十八年乾隆

間

旌

南靖

李氏戴宗杓妻年二十四而寡持家以儉事祖姑以孝撫妾子鞠育如己出守節數十年乾隆間旌

長泰

楊信媛陳丹蓋妻夫歿孝事舅姑侍疾勤苦後避禍外家課督孤子艱虞備至乾隆元年壽百歲奉

旨旌焉

沈氏黃色紅妻幼嫻女史二十六歲夫歿事尊嫜撫孤子慈孝兼盡每夜分猶紡績篝火課子讀書孀

守三十五年乾隆間 旌

何氏陳其志妻二十二歲夫歿以夫兄子繼嗣奉姑
孝養備至勤操機杼課子義方乾隆間 旌

王振娘張伯超未婚妻聞伯超歿過張門代夫奉姑
日夜紡績以資滌髓里閭稱之以上和平

沈氏許邨姊妻年二十二夫歿奉翁姑撫孤子艱苦
備嘗守節七十三年乾隆間 旌

吳氏林承壘妻歸三載夫歿投環兩次以家人救得
甦因立夫姪爲嗣食貧課子守節四十六年乾隆
間 旌

福建續志

卷六十六

列女八

二十一

沈氏林鳳至妻年二十守節歷五十餘年教子成立
乾隆間 旌

羅氏廖英讓妻年十九夫亡勤苦孝慈守節六十七
年乾隆間 旌

陳氏沈茂遴妻十九歲夫歿母欲奪其志截髮以誓
不貳撫孤姪甚於己子茹荼守節五十七年乾隆
間 旌

林氏沈元勳妻年二十九夫卒家貧以紡績易甘旨
奉姑鄰火延及氏突入火中負姑出又入抱其于
膚髮俱爛生平嚴於課子孫特起武科進士乾隆

間旌

江氏張孟瑛妻早歲夫歿舅姑在堂孤兒在抱氏以
十指為仰事俯育之費苦節六十四年獲旌

陳貞娘林本未婚妻本歿訃至氏絕粒數日歸林家
立夫從姪為嗣事翁姑克盡婦道卒年八十乾隆

間旌

黃鴻娘游志密妻年二十七夫亡氏茹荼作苦晝夜
勤女紅以自給養姑教子克盡孝慈歷節五十八

年卒乾隆間旌以安上

已經旌表節孝

福建續志

卷六十六列女八

二十二

陳氏郭鍾瑞妻雍正間旌鄭氏陳允法妻陳氏林耀澄

妻陳氏徐熙章妻楊氏周鼎梁妻貞女謝氏

劉氏陳元濬妻姚氏陳日耀未婚妻郭氏王

心一妻陳氏王在鎬妻傅氏蘇天惠妻貞女

黃氏徐氏李五材妻傅氏蔡君德妻林氏儒

士鄭為龍妻陳氏儒士韓哲夫妻俱乾隆間旌林

氏黃彥章妻趙氏李勲壘妻林氏監生李友倫

妻林氏監生李振起妻蔡氏儒士商琳光妻

林氏儒士商聲妻何氏生員趙茂青妻張氏儒

士劉學周妻胡氏儒童湯速未婚妻俱乾隆間旌

藍氏李玉章未婚妻 薛氏林一鳳妻 王氏黃錫

濬妻 黃氏儒士葉晃章妻俱上乾隆間陳氏王印添

妻 邱氏吳上球妻 莊氏張與華妻 簡氏魏睿

衷妻俱上乾隆間何氏陳繼志妻 曾氏生員葉鵬

飛妻 林氏何元聲妻 張氏林世杰妻 賴氏何

文志妻 王氏生員賴天柱妻 林氏儒童賴元城

妻 林氏儒童賴世銘妻俱上乾隆間邱氏吳玉柱

妻 林氏江韓妻 沈氏張釋夫妻 沈氏林開運

妻 林氏沈國琚妻 吳氏潘廷雲妻 林氏胡象

周妻 曹氏廖元芳妻 貞女陳氏 官氏儒童廖

福建續志 卷六十六 列女八 二十三

德思妻 沈氏儒士林挺秀妻 林氏儒童沈升一

妻俱上乾隆間 旌表節孝

未經 旌表節孝

王氏陳師閩妻 涂氏王贊妻 陳氏涂熙璋妻

李氏鄭晏妻 李氏鄭衛冠妻 蔡氏 黃氏 丁

氏俱失名楊氏邱全未婚妻 林氏石耀賓未婚妻

郭氏陳桓妻 葉氏林堯章妻 林氏謝踰妻 蕭

氏薛鍾妻 林氏蔡瑤妻 蔡氏丁穹妻 劉氏陳

彩妻 尤氏王以隆妻 林氏陳喜妻 杜氏徐

勳未婚妻 施氏李進未婚妻 范氏林高妻 鄭

氏施祖賽妻 陳氏郭家未婚妻 葉氏林快妻

鄒氏張彥妻 鄭氏洪士鏊妻 施氏黃標未婚妻

陳氏沈長輝妻 黃氏趙祥妻 余氏陳煥蘭妻

黃氏魏睿捷妻 王氏黃懋德妻 林氏吳應驥妻

以上龍溪 溫氏李文龍妻 王氏洪英士妻 高氏陳國

戴妻 江氏黃上傑妻 陳氏林馨遠妻 洪氏林

開宗妻 徐氏蘇元習妻 石氏林景興妻 王氏

盧天付妻 馬氏郭貢妻 許氏黃鐵麟妻 曾氏

陳爾吹妻 朱氏宋朝佐妻 陳氏劉敦誠妻戴

氏汪璧妻 吳氏林長燦妻 郭氏江方祖妻 陸

福建續志 卷六十六 列女八 二十四

氏戴良賴妻 曾轉娘陳濟妻 徐氏洪從妻蘇

氏林國略妻 黃氏江南妻 藍氏陳廷尊妻 王

氏江呈蘭妻 程氏曾光華妻 徐氏陳嘉謨妻

蔡氏劉宏達妻 游氏江鍾妻 曾氏黃錫玕妻

洪氏劉士華妻 潘氏許賓國妻 蘇氏葉歷章妻

薛氏葉向洸妻 許氏黃錫瑾妻 羅氏楊崇柔未

婚妻 李氏顏樹顯未婚妻 林氏陳齊若未婚妻

許氏袁添未婚妻 以上海澄

貞烈

陳潔娘年十八適楊靜甫四月海寇猝至挾之登舟

遂投龍江死靜終身不復娶時稱節義

嚴氏黃肇復妻肇復死紡績自守順治六年海寇陷石美城爲所掠至景莊墓不肯行寇脅之罵益厲遂遇害

王慎娘丁塏妻逃亂遇寇恐爲所污投深潭死塏尋之屍忽半身挺立水上塏乃收葬之

蔡錦娘少能詩適邑子陳里里卒家貧依姑以生姑卒終喪遂投繯死溥娘亦以節終

李田娘適藍國浦浦父瑗亦以平臺功鎮金門氏嫁甫四月而寡自縊以殉

福建續志

卷六十六

列女八

二十五

吳氏王照妻照死氏年二十二俟夫殯畢乘間整衣正容自縊卒

謝氏陳奠邦妻奠邦卒越月徹靈囑其女孝事祖母遂閉戶自經

郭薇娘適陳從鳳甫半載而夫歿乃託言歸寧密探野葛服之入門父母訝其神氣大異氏哭曰兒從陳郎地下矣遂卒

傅氏王鳴岡妻年二十二夫卒氏不勝哀飲鴆卒林氏黃昌榮妻夫病亟私飲鹼欲偕亡以救甦越大

祥扃戶雉經死

施氏諸生陳以潤妻以潤病瘵將死氏念夫有母待
養身可代也夜告天自經死夫病遂瘥

陳崔娘黃羣妻羣病篤氏請於父母歸陳侍夫病未
幾夫卒父母欲奪其志遂自經

胡氏林原密妻原密病亟氏許以身殉及卒截髮納
原密懷中以爲質乘間投繯卒

石氏王弁妻夫卒撫孤孤復夭遂縊死

梁氏黃元瑞妻元瑞卒母欲奪而嫁之遺孤復夭投
繯自盡

向氏黃輔周妻夫卒自經死年二十四耳

福建續志

卷六十六

列女八

二十六

鄭願娘年二十適林準甫三月而準歿氏祭夫畢經
死

王蔭娘適諸生徐適駿適駿卒蔭娘亦不食死

范氏適陳志毅志毅卒氏自縊於屍側同日而殮

苗氏者馮辰港夷女也里人施世燿賈於其地遂娶
焉世燿卒番酋悅苗色欲強納之苗自縊死施族
爲招魂設主祀之

馬鸞娘農家子也幼許字柯平平久客不歸母爲別
許婚有日矣鸞娘飲鴆死

陳歛娘許字楊天喜天喜落魄無賴欲退婚索舊所

聘金母以告歛娘泣曰姑遲之若或有悔心久之天喜無悛志復踵門恣睢聲益厲母陰以歛娘許人得聘以償天喜歛娘偵知之遂自縊

陳受娘許字諸生黃攀桂攀桂應省闈卒於旅邸次年陳還黃聘將改圖女自縊死

陳洽娘許字蘇德郎方訂盟未聘也德郎歿女引刀斷喉死

郭戎娘許字林天成天成卒氏投繯以殉

蔡氏林妹侯未婚妻父以妹侯家貧欲退婚氏懇其母召妹侯至贈以簪珥白鏹入內自縊死

福建續志

卷六十六

列女八

二十七

蔡媚娘諸生陳肅其妻肅其死於瘵氏志以身殉舅姑屢諭之至大祥不食死

楊險娘諸生陳昌言子婦樓火楊逃出復知舅姑未出更昌煙入曰舅姑若歿我安用生爲卒入死焉

及火熄見楊左攜舅右抱姑若欲偕出狀者

以上龍溪

洪氏薛燕妻事翁盡誠敬燕罹疾氏侍養勿懈母知壻病來與居攜蔬相餉氏委之地曰兒與壻俱不食矣姒私曰若孝何遽如此垂淚曰恐母念我以此減母異日哀耳夫歿之夜以帛交頸懸牀櫛死黃阿姐朱賢良妻年二十一夫歿以節自持母欲奪

其志遂自經死

漳浦上

林天祿妻許氏壽寧訓導汝周女年二十二嫁十二日夫亡時老姑在堂矢志守節哀哭如禮三年喪畢老姑繼亡家貧喪費悉出拮据終喪與諸親訣曰命薄失所天又失所恃偷生何爲隨投繯死

黃靜娘父其寬業儒教以內則諸書通曉大義年二十歸林建功無嗣林以血疣故氏水漿不入口及葬畢泣辭舅姑沐浴更衣投繯自盡

柯淑娘貢生潤聰女年二十四歸黃貌先是潤聰與倪父連財遂聯婚後兩家破落貌賭蕩欲議廢兩

福建續志

卷六十六

列女八

二十八

家父母皆諾而女不願也曰身已許人貧賤甘焉入黃門事舅姑惟謹且勸夫安分願以女紅供薪水夫不悛旣而將淑娘陰售富家子爲繼室行有日矣淑娘佯爲修飾狀遂自經

黃專娘年十九歸蘇潔週年潔故專娘自經以殉

蔡美娘謝崑妻年十九于歸八月夫死翁欲奪其志美娘自經而死

邱保娘謝加祿妻年十八嫁夫婦相敬如賓週年夫故屍猶未殮保娘沐浴更衣遂投井死

顏肯娘林朴妻千總富女也年十八于歸五月夫死

及期年姑迫改適肯娘遂投井死以登上

朱君娘馮道妻家貧惟勤十指以資爨火道且病時仰屋嗟嘆君娘力慰之未幾道投水歿君娘聞之亦投水死乾隆間旌焉

林翠娘楊聯登妻聯登病咯血氏侍奉湯藥逾二年夫歿百日奠祭畢刺血寫遺書置案上閉戶自縊乾隆間旌

杜氏某妻謹守婦道遇里民朱義調姦氏不從服毒死乾隆間旌

賴敬娘年十三遇族人賴現強姦敬娘誓死不從被

福建續志 卷六十六 列女八 二十九

戮死乾隆間旌以和平

林勸娘李炎未婚妻炎訃至自縊而死時年十九乾隆間旌

沈瞻娘林基妻年十八歸林踰歲夫歿誓志孀守以奉姑教子及姑歿且葬男壯有室氏嘆曰吾道盡矣遂投繯卒

李逢娘沈光未婚妻光以哀毀卒氏聞訃跪請於母往夫家至則大慟殯殮畢懸樑自經

曾良娘廖元芳妻歸未二載夫歿氏經營殮事卽自縊姑偵知急救而蘇後撫男成立姑歿喪葬事訖

仍絕粒而死

李瑾娘吳鍵未婚妻聞鍵訃欲歸吳守節母強奪其志遂投繯而死

張氏林名克妻克臥病三載氏奉湯藥不少懈及卒哀號絕粒請立嗣以續宗祀事定沐浴自經

施氏陳提妻夫歿誓志孀守有強暴欲污之氏堅不從自縊死同邑有李容娘游盜妻張氏林信妻捐

軀成志事與此同俱乾隆間旌
余氏黃丕妻縣民陳貫調戲致氏羞忿自縊守正捐

軀乾隆間建坊旌表以上
詔安

福建續志

卷六十六

列女八

三十

已經旌表貞烈

杜淡娘

妻沈氏

妻俱乾隆
間旌

按二氏俱詔安人其夫姓名縣冊未詳存以

俟考